



## **Universitätsbibliothek Paderborn**

**Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt XIV. Accedunt Præsides ad Concilium, & quo ordine ac ritu.  
Celebratur Sessio, prorogatis ad Kalendas Septembres Decretis.

**urn:nbn:de:hbz:466:1-11665**

stano Principe nec quidquam deterius contra Deum, nec Ecclesiæ perniciosius committi posse, quām Oecumenicę Synodi progressum turbari, hoc est, efficacissimi adiumenti inter ea omnia quæ ad incomitatem Ecclesiæ Deus instituit. Hæc in documentis.

1551.

<sup>7</sup> Monita priuatum Ascanio data, duo fuere. Alterum, ut se citò expediret, neque pateretur detineri se verbis ambiguis, donec Par-menses messem mafescentem collegissent. Alterum, ne Gallis as-sentiretur, si quid agitarent de obligando quasi per acceptum pi-gnus Pontifice; quod ut violentum, perinde nec ex animo factum, nec diuturnum foret: satis illis esse debere amorem candoremque præteritum, <sup>m</sup> quem in Pontifice experti fuerant.

<sup>8</sup> Ac prudenter quidem præmonuit Pontifex, cunctationem à Gal-lo quæsum iri, quod <sup>n</sup> Parmensibus commoditas metendi colligen-diique fruges pararetur. Etenim postquam opera data est, ut per egregia humanitatis argumenta, sed spe generatim adiectâ, Ascanius sospitetur, Rex animaduertens, eum ad discedendum paratum, ita per libellum respondit, mandatis Pontificis ipsi ostensis; A se ad Pontificem certum hominem allegatum iri. Hic Monlucius fuit, qui posteà famâ inclaruit, tum ob Senarum defensionem, eo ipsi honestiorem quod magis improsperam, tum ob relictâ posteritati monumenta rerum in militia ab eo gestarum. Is Romam venit, sed nihil ea de re cum Pontifice est collocutus; quin ab eo interrogatus, excusationem prætendit, quam infrà narrabimus. Scilicet sem-per Principes lente procedunt in adimenda alij Principi spe, valido quippe nexu, quo sibi vincētum detinent eum qui conditione liber est, & quo nexus qui vincitur, raro solers est suis se manibus exoluere.

<sup>m</sup> In man-datis Montis Politiani.  
<sup>n</sup> Vide Adrianum lib. 8.

#### C A P V T X I V .

Accedunt Præfides ad Concilium, & quo ordine ac ritu. Cele-bratur Sessio, prorogatis ad Kalendas Septembres Decretis.

**H**æc discordiæ cum Gallis indicia non retardarunt Iulium, sed potius impulerunt ad Synodum aperiendam. Itaque de-stinavit iterum Concilij secretis Massarellum, <sup>a</sup> virum & <sup>c</sup> Aprilis, peritum & probatę fidei; cumque iussit mutatis equis eò festinare, <sup>b</sup> & <sup>d</sup> ex Diario. Bononiā transiuntem agere cum Crescentio Legato ibi commo-rante, ei que significare; Si per responsa Cæsaris ad Dandinum habe-recur, velle Carolum absque dilatione Synodum inchoari, Legatus Tridentum pergeret; sin mallet Cæsar ob Germanorum comi-dum cunctari, Bononiæ persisteret: sed Synodi per duos Antistites

G g 2      Præsi-

1551.  
e In Actis  
Consistoria-  
libus.

d Diarium.

e Diarium.

Et hæc &  
Acta Triden-  
ti usque ad  
suspensi-  
onem, & Prä-  
sidum dices  
sū, extant in  
volumine A-  
etorum legi-  
timorum in  
Arce S. An-  
geli Romæ,  
cui titulus,

Ara Conci-  
lij sub iu-  
lio III. vbi  
sunt dicta  
Theologo-  
rum in con-  
ueniibus. Et  
hoc volumen  
est gemina-  
tum: alte-  
rum signa-  
tum littera E, alte-  
rum F, &c in  
secundo plu-  
ra quām in  
primo con-  
nentur.

Præsides initium fieret die præscripto. e Hanc Iulius aperitionem  
volet, tum quia superiore experimento compertum erat, eam esse  
velut postremum æris campani sonum, quo edito ij qui aduocantur,  
iter aggrediuntur; tum quia Synodo Oecumenicā iam apertā, fas non  
erat, à Gallis propriam suæ nationis conuocare. Idcirco in Senatu

d 24. Aprilis publicas supplicationes indixit, ad Dei opem pro Syno-  
di felicitate poscendam: iussitque omnes Episcopos, qui tunc Ro-  
mæ aderant numero octoginta quatuor, e Tridentum conuenire.

Crescentius cùm ad Massarelli aduentum nondum de Cæsari  
mente à Dandino fuisse certior factus, id temporis nihil mouit.  
Sed Pontifex mutato consilio honestius duxit, si Concilium per Le-  
gati præsentiam aperiretur. Interim Dandinus in reditu iter habens  
Tridento 4. Aprilis, palam ibi fecit, cupere Carolum, ut res lente  
progrederetur, ob causas quas memorauimus. Legatus itaque Tri-  
dentum peruenit die 29. cui obuiam ad secundum lapidem proces-  
sere Madruccius Cardinalis, Archiepiscopi & Episcopi qui aduenie-  
rant, non plures quām tredecim, ferè omnes Cæsari addicti. Lau-  
rentius Platanus Belga Legatum ac Præsides exceptit Latinā oratione  
Madruccij nomine, cui ab epistolis erat, quā Madruccius, lau-  
dato Pontificis consilio, se suamque urbem offerebat, vt illius la-  
croscandi Conuentus commodis deseruiret. His Latinā pariter ora-  
tione, grati animi sensa deppromente, respondit Antonius Floribellus  
Mutinensis, qui Legato à secretis erat. Proiecti ad proximum  
urbis templum, viatorum amictu deposito, Pontificalem induerunt.  
Hic Franciscus Vargas, Cæsarei fisci Procurator, litteras protulit  
commissæ sibi à Cæsare procurationis ac potestatis; tum per verba  
ad reuerentiam benevolentiamque composita omnem Cæsaris ope-  
ram ad Concilij commoda obtulit, fusiusque Pontificis, Legati, ac  
Præsidum laudes, simulque Cæsaris ex ea conuocatione lætitiam  
est prosecutus. Ad quæ Legatus grauiter ac reuerenter respondit.  
Conscensis iterum equis ingressi sunt urbem bini, Legatus & Ma-  
druccius, tum duo Præsides, ac deinceps reliqui Antistites. In ipso  
urbis ingressu ab Ordine Ecclesiastico ac populo exceptus est festus  
Legatus, & sub umbella ad ædem principem, atque inde, cærimoniis  
pro more peractis, promulgataque nostrarum indulgentiæ, ad do-  
miciolum deductus est. Eodem die Tridentum peruenit Franciscus  
Toletanus, ad Concilium Orator à Cæsare designatus.

Dubitatum est, Madruccio an Præsidibus potior sedes debere;  
tur: de quo Massarellus petente Cardinali ad Pontificem scriptit.  
Interim verò Madruccius offensionis vitandæ gratiæ antehabitus;

tamen

tametsi Legatus optasset, <sup>f</sup> vt prius quid imperaret Pontifex exper-  
catur: <sup>g</sup> quod prudentius fuisse consilium; cùm postea ex Pon-  
tificis mandato mutatione opus fuerit. Siquidem præscriptum est,  
vt in functionibus quæ ad Synodum non spectarent, Madruccius  
præcederet; in iis autem quæ Synodi essent, siue Sessiones, siue  
conuentus, <sup>h</sup> tres Præsides vñā considerent, æquè ac quando tres  
Legati aderant; Madruccius verò Sedem propriam haberet decorè  
ornatam, & ab Episcopis sepositam. Præterea Legatus iussus est ex-  
tra vrbis portam ire obuiam Hispaniæ Principi illac breuî transi-  
tu-ro, cùm Dynastarum iureiurando Rex iam fuisse renuntiatus;  
cumdemque ad dexterum latus collocatum ad ædes comitari, ibi  
tamen ab equo non desilire.

1551.  
<sup>f</sup> Diarium,  
30. Aprilis,  
& 1. Maij.  
<sup>g</sup> Epistola  
Legati ad  
Dandinum,  
infrâ prote-  
renda.  
<sup>h</sup> Diarium,  
20. Maij.

4 Habitus fuit primus Patrum congressus pridie Kalendas Maias,  
atque in eo propositum, vt die postero Synodus aperiretur; sed si-  
mul eius prœcessus ad Kalendas Septembres prorogaretur. Etiam  
in hac prima, eaqué non grauissima deliberatione, permisit Deus, vt  
maior illius noui conuentus libertas quam concordia cerneretur.  
Cunctis inchoatio Synodi & prorogatio generatim probata, vt  
Germanos præstolarentur. Sed ea dilatio plerisque iusto longior  
visa est, cùm eorum complures sex ibi annos exegissent, & ex iis an-  
nis quatuor in otio post translationem, inuitati sibi à Paulo vt  
adirent Bononiam, opusque cum collegis, qui discesserant, prose-  
querentur; ibi tamen Cæsaris voluntate retenti, adeoque vehe-  
menter cuperent rei finem imponere, & ad suas Ecclesiæ regressu  
stabiliter remeare. Plerique igitur in Ioannis Fonsecæ Stabiensis Epi-  
scopi sententiam iuere, vt nimirum ad incertum diem fieret proro-  
gatio, quod posset quam citissime tolli: sed Pighinus, duorum Præ-  
fudum primus, opportunè monstrauit, huiusmodi moram haud in-  
terrici vt Synodus otiaretur, sed utilem, imò necessariam esse, vt  
eo temporis interuallo Protestantes accederent, ad quorum recupe-  
rationem ea noua conuocatio potissimum tendebat. Scire se, hanc  
esse voluntatem Cæsaris, cui nuper ipse Nuntius adfuerat; neque  
minus eo spacio opus esse vt reliqui conuenirent, qui cùm annonæ  
caritate tum belli suspicionibus detinebantur. Denuò igitur di-  
ctæ sententiae: & Saluator Alexius Turritanus Archiepiscopus, qui  
primâ vice sententiam suam haud protulerat, quod prius alios au-  
dere voluisset, tametsi Præside oppositum suadente, Fonsecæ sen-  
tentiam probauit; causatus, si ratio haberetur de contumacium &  
haereticorum commodis, longè maiorem habendam de commodis  
obsequentium & Catholicorum; neque committendum, vt iij in-

1551. ter infinitæ procrastinationis incommoda macerarentur. Sed è con-  
trario Fonseca, aliisque cum eo sententiam mutauere: & hæc in  
confessu vicit. Quare postridie celebrata est undecima Concilij

<sup>i</sup> Litteræ Le-  
gati ad Dan-  
dioum,  
1. Maij 1551.  
gis mundus Fedrius Franciscanus cognominatus à Directa. Massa-  
rellus duo Pontificis Diplomata recitauit; alterum de resumendo  
norum mo-  
numenta.

Tridenti Concilio, alterum de Præsidum electione: tum Archiepi-  
scopus Turritanus è suggestu inchoationis Decreta proposuit, quæ  
concorditer accepta. Per eos dies ac deinceps accesserunt ad Syno-  
dum <sup>k</sup> Episcopi primarij satis frequentes. Hic verò conuentus non  
habebantur ad expendenda rerum argumenta, tum quia plurimum  
laboris operi impensum fuerat Tridenti priùs, postea Bononiæ, tum  
quod palam fieret, Germanos non ad solemnia tantum, sed ad rem  
ipsam etiam expectari, cùm plerisque videatur, in summis conuen-  
tibus maius opus confici in consiliis quam in Decretis faciendis.

<sup>a</sup> Ex Diario.

### C A P V T X V.

Hispaniae Principis, & Bohemiæ Regis transitus Tridento. Plu-  
res Regum Oratores, & tres Septemviri Ecclesiastici  
adueniunt. Et duodecima Sessio.

**N**E rerum series interrupatur, libet vnâ prosequi, quæ ibi  
euenere usque ad duodecimam Sessionem, quæ nouum  
Synodi exordium censerit.

Pridie Nonas Iunij è peruenit Philippus Hispianarum Princeps,  
è Germania redux, quem Romanorum Regem renuntiandum, Fer-  
dinando successurum, proposuerat Carolus; Ferdinando autem, si  
assentiretur, Imperij consortium offerebat, quemadmodum duo  
simul Cæsares olim imperauerant. Sed Ferdinandus causatus est,  
non posse quidquam à se statui, absente Maximiliano filio, iam Bo-  
hemiarum Rege constituto, & Caroli genero, cuius loco tunc Hispa-  
nias moderabatur. Idcirco Maximilianus, relictâ ibi coniuge, pro-  
pere Germaniam repetiit, obfirmato ad obsistendum animo; satis  
gnarus, Germanos magis ad se propensos fore, quippe nationis eius-  
dem Principem, minus formidabilem, atque apud ipsos commora-  
turum. Eo igitur refrigerante consilio, Philippus in Hispaniam re-  
uersurus iter habuit Tridento <sup>a</sup>. Nec ab re facturum me putauerim,  
si breuiter exposuero, qui ritus in honoribus illi habendis seruat  
sunt, cùm id & illustrium scriptorum recentium exemplum mihi  
persua-

<sup>a</sup> In Diariis  
a 6. ad 9. Iu-  
niij.